

ত্ৰিপুৱা হাফাঙ
ককথুম তেই লুকুমু দাগিখুঙ

স-৩০৭১

আগৰতলা, ২৬ সেপ্টেম্বৰ, ২০২৫

বুফাঙ কায়মাবাই সিমি আংগীলাক, মীথাঙগাঁই নাৰীকনাব’
নাংনাই : লুকুবসঙ হামকীৱাই নাইখুঙনি মন্ত্ৰি

সেবা পৰ্ব-নি আংগীই থাংনাই ২৫ সেপ্টেম্বৰঅ ধৰ্মনগৰঅ বুফাঙ কায়মুঙ পানদা সঙচাজাকখা। সালসি ত্ৰিপুৱা হাঙখৰনি বলঙ নাইখুঙনি লুউজিমুঙবাই ধৰ্মনগৰনি তিলথৈয়অ আৰ্যভট্ট ৰাঙনকয়ুঙনি বীসকাঙগ’ সঙচাজাক অ বুফাঙ কায়মুঙ পানদান’ চেঙগাঁই ৰিখা হাসতেনি লুকুবসঙ হামকীৱাই তেই লুকুবসঙ ৰাঙ নাইখুঙনি মন্ত্ৰি টিংকু ৰায়।

পানদাঅ কক নাৰীকথানি ব সাখা, বুফাঙ কায়মাবাই সিমি আংগীলাক, বুফাঙন’ মীথাঙগাঁই নাৰীকনাব’ নাংনাই। চাঙ জতন’ বুফাঙন’ মীথাঙগাঁই নাৰীকনানি বাগাঁই সাকথারনা নাংনাই। আব’হাই হিনখেসে চিনি হাকতৰনি মন্ত্ৰি বখ’ৰক নৱেন্দ্ৰ মোদিনি উনসুকমুঙ বিকশিত ভাৱত এৰা হামসাজাক ভাৱত সীনামনানি, তঙখৰ নাইথথক তেই তঙথথক খীলায়নানি ইমাং মুঙকথাঙ আংনাই। বুফাঙ তেইব’ কীবাং খীলায়ী কায়নানি নাংনাই, কায়জাক বুফাঙৰগন’ব’ নাইকলীই মীথাঙগাঁই নাৰীকনানি নাংনাই।

পানদাঅ লুকুবসঙ হামকীৱাই নাইখুঙনি মন্ত্ৰি টিংকু ৰায় তেইব’ সাখা, চিনি হাকতৰ বাইথাঙ বীচানানি ফাইসিংগ’ সীকাঙগাঁই তঙগ’। স্মাৰ্টফোন তাবুক চিনি হাকতৰন’ সীনামজাগাঁই তঙগ’। অব’ৰগ সীকাঙগ’ ফাতাৱনি তুবুজাকমানি। বিথি-বিৱাইৰগব’ সীকাঙগ’ চিনি হাকতৰ ফাতাৱনি নাহাৱজাকমানি। ফিয়া আব’ৰগ তাবুক চিনি হাকতৰনি সিমিসে ৱহৰজাগাঁই তঙগ’। তাম’নি হিনবা চিনি হাকতৰ বাইথাঙ বীচাজাক। আব’নি বাগাঁই হাকতৰঅ সীনামকক তাঙনানি নাংখা। হামকীৱাই গীনাঙ সামুঙনি বাগাঁই বুফাঙ তামফাইনানি নাংখা। ফিয়াবা আব’নি বাগাঁই চাঙ বুফাঙ কীবাং খীলায়ী কায়নানি নাংনাই তেই বুফাঙন’ মীথাঙনানি নাংনাই। অ সালনি পানদাঅ বন’ কাৱীইব’ মানজাক ফায়খা সালসি ত্ৰিপুৱা জিলা পৰিষদনি সভাপতি অপৰ্ণা নাথ, হাঙখৰ বলঙ বেদেকনি অফিসাৱ সুমন মল্ল, আৰ্যভট্ট ৰাঙনকয়ুঙনি প্ৰিন্সিপাল ড. গুঞ্জন বনসল, কীচাম এমএলএ মলিনা দেবনাথ তেই সালসি ত্ৰিপুৱা জিলা পৰিষদনি আদঙ দিলীপ বৰ্ধন আক’সঙ। পানদানি পাইথাগ’ লুকুবসঙ হামকীৱাই নাইখুঙনি মন্ত্ৰি তেই কুবুনি নাৱুউইৰগ আৰ্যভট্ট ৰাঙনকয়ুঙনি বীসকাঙগ’ বুফাঙ কায়লাইখা।
